

Alkitab Anggen Anak Alit



Uli Dadi
Penyengsare
Lantas Dadi
Sang Guru
Pengajian



Kasurat olih: Edward Hughes

Kaperagayang olih: Janie Forest
Alastair Paterson

Ka tempa saking: Ruth Klassen


Ka dwi aksarayang olih: Ni Luh Mastri Ayu Caerina;
Pdt I Gusti Made Alit Purya

Kakaryanin olih: Bible for Children
www.M1914.org

©2023 Bible for Children, Inc.

Perarem: Ida dane dados nerjemahang utawi nyalin carita puniki,
nanging nenten dados ke adol.





Ida Sang Hyang Widi Wasa
ngelaksanayang painedikan-
painedikan ane tawah melarapan
kaulan Idane, di gerejane ane
pengawit. Ade anak muani
adiri ane maadan Filipus,

dane sibuk pesan ngortiang
orti rahayu indik Ida Hyang
Yesus tekinin anak liu.
Sakewala Ida Hyang Widi
ngutus dane ke padang
gurun. Ngudiang dadi keto?

Ida Sang Hyang Widi uning ada anak adiri sedeng ade di tengah jalan di padang gurune, pengede prakanggo pemerintah dane Ratu Kandake uli Etiopia. Dane sedeng ade ditengah jalan nuju mulihan, sedeng mace buku ane istimewa pesan. Apake ade anak ane nawang bukune ento?




Ritatkala
dane Filipus
ninutin titah
Ida Sang Hyang,
Ida nuntun dane
langsung ketemu tekenin
pengede ane sedeng memace
cakepan suci, sakewala ia tusing ngerti
artine. Dane ngajakin dane Filipus
menek duur kretane, nimpalin dane.




“Apeke artine ene?” Pengede ento metakon tekenin dane Filipus. Di kretane ane sedeng majalan ento dane Filipus lantasi nerangan ape ane dadi arti daging cakepan sucine, dane nyaritayang indik Ida Sang Hyang Yesus.



Tusing je mekelo
pengede ane uli Afrika
ento bisa ngresepang
isin cakepan sucine,



tur percaya ring Ida
Sang Hyang Yesus, Putran
Ida Sang Hyang Widi. Sesubane
neked di sisin telagane ane bek misi yeh,
pengede ento ngomong kene, “Apeke ade
ane dadi pialang yen tiang kalukat dini?”




Lantas dane Filipus ngomong kene: “Yening semeton seken-seken percaya, sube pasti dadi.” Pesaut pengedene ento, “Tiang percaya, Ida Hyang Yesus punika Putran Widi.” Lantas dane Filipus ngajak pengedene ento ketelagane tumuli ngelukatipun.



Sesubane dane menek uli telagane,
Roh Ida Sang Hyang Widi
melaibang dane Filipus, pengede
ento tusing nyidang buin ningalin
dane. Dane buin mebalik ke Etiopia,
hatine liang pesan.



Sakewala ade makudang-kudang anak ane tusing demen tekenin anak Kristen. Stefanus timpal dane Filipus, matiange tekenin anak ane tusing demen tekenin anak ane setate nyritayang indik Ida Sang Hyang Yesus. Ada anak muani ane adene Saulus uli Tarsus ane nguopin ngematiang Stefanus.



Dane Saulus, hatine semangat pesan lakar nyengkalen tur ngematiang sekatahin anak Kristen, dane ngidih surat ijin teken imam besar apange dane bebas nyengsarain anak ane muani wiadin luh ane dadi pengiring Ida Hyang Yesus.






Dane Saulus ane uli
Tarsus ento ketiban sial!
Dane tusing nawang
yening dane nyengkalin
kaulan Ida Sang Hyang
Widi, patuh artine dane
nyakitin hatin Ida Sang
Hyang Yesus. Ida Sang
Hyang Yesus patut
nyetop rencana ento.
Sakewale kenken mirib
carane?



Ida Hyang Yesus,
“nambakin” Saulus.
Sedekan dane Saulus
ade di tengah jalan nuju
kota Damsyik, Ida Hyang
Yesus nyinahang sinar
ane galang pesan uli
suargan. Saulus ulung ke
tanahe. Lan dane
ningehang suara.





“Sireke Palungguh I Ratu?” Petakon dane Saulus.
“Ulun ene Ida Yesus, ane sengsarain cening.” Dane Saulus ngejer lan heran pesan, pesaur dane Saulus, “Duh Ratu, napike pekayunan palungguh I Ratu ring titiang?” Pangandikan Ida Hyang Yesus, “bangun je, lan kemo luas ke kota, ditu lakar ade ane ngorahin ape ane patut laksanakan cening.”




Anak ane bareng-bareng
ajak Saulus ningehan masi
suarane ento, sakewala
tusing nepukin ape-ape.
Dane Saulus bangun uli
tanahe, tur napetang
dewekne sube buta!
Dane Saulus
ketuntun masuk
kota Damsyik.



Di kotane ento, Saulus telung
lemeng ngalamin buta, tusing
nyidang ningalin lan sing nyidang
medaar lan minum. Mirib je dane
nganggon selene buat ngestawa
ring Ida Sang Hyang Yesus, ane
nyinahang raga di damsyik.



Ida sane ngrencayang makejang unduke ene. Di Damsyik ade murid ane maadan Ananias. Ida Hyang Yesus ngutus dane buat nulungin dane Saulus. Dane Ananias merasa takut. Nanging dane satinut ring Ida Hyang Yesus. Rikala dane ngungkalan tangan danene duur sirah dane Saulus, dane Saulus langsung nyidang buin ningalin lan dane Saulus kebekin antuk kuasa Ida Sang Roh Suci.





Dane Saulus kelukat, Ditu
lantas dane ngajengan.
Sesubane dane suud
ngajengan dane merasa sube
kuat. Dane Saulus merluang
kekuatan. Dane ngelah tugas
ane penting pesan ane lakar
dadi tugasne.



Tusing perlu waktu mekelo dane Paulus langsung khotbah indik Ida Sang Kristus di nongos anake mebakti, tur nyeritayang Ida Sang Hyang Yesus, jati-jati Putran Widi. Makejang anake ane ningehang kesaksian dane Paulus heran, lan ngomong kene, “Tusingke anake ene ane nyengsarain anak Kristen?”

Makudang-kudang rencana kesusun. Lakar anggone ngematiang Paulus.





Musuh-musuh dane Paulus nyaga pintu gerbang kotane buat ngematiang Paulus yen dane Paulus pesu uli kota. Timpal-timpal dane Paulus, anak-anak Kristen, nyemak dane lan nuwunang uli duur temboke nganggon keranjang ane gede.





Uli didine ento, Saulus
anak ane nyengkalain anak
Kristen lantas dadi anak
percaya ring Widinnyane
ane anyar, Ida Sang
Hyang Yesus Kristus.



Uli Dadi Penyengsare Lantas Dadi Sang Guru Pengajian

Wenten katuturan carita saking pengandika Ida sang Hyang
widi mewasta Alkitab,

dados sobyahang ring

Kisah Para Rasul 8, 9

“Pemargin saking pengandika Ida Ngicenin Karahayuan.”

Mazmur 119:130



Puput



Carita ring Alkitab puniki nyaritayang indik Ida Hyang Widhi mahotama sane ngripta iragane tur sane mapikayun iraga nguningin Ida.

Ida Hyang Whidi uning iraga sampun melaksana sane iwang, sane kaucap antuk papa. Papongoran antuk jadmā sane melaksana papa inggih punika lepas utawi padem, sakewanten Ida Hyang Whidi dahat sutresna. Ida raris ngutus okan Idane sane meraga tunggal, sane mapesengan Ida Hyang Yesus Kristus, mangda Ida lepas ring taru Salib tur kapongor sangkaning kaiwangan iragane. Ida Hyang Yesus urip malih tur mantuk ka Suarga loka! Yening ragane pracaya indik Ida Hyang Yesus tur mapinunas mangda Ida ngicenin pangampura antuk keiwangan-kaiwangan iragane, Ida jagi nglaksanayang! Ida jagi rauh tur meneng ring sejeroning pareragan ragane sane mangkin, tur ragane jagi nyeneng sareng Ida ngantos riwekasan.

Yening ragane pracaya indik kepatutan punika, nikaang puniki ring Ida Hyang Widhi: Ida Hyang Yesus, tityang pracaya pareragan Idane sawiakti Ida Hyang Parama Kawi, nanging Ida nyeneng dados manusa sane lepas santukan nebasin kaiwangan iragane, tur sane mangkin Ida pacang urip malih. Dumogi Ida rauh ring kauripan iragane lan ngicen pangampura antuk keiwangan iraga makesami, sane ngawinang irage madue keuripan sane anyar tur buin pidan irage pacang meraga siki sareng Ida. Wantu tityang satinut sareng titah Idane tur idup daos pianak Ida, Amin.

Ngiring ngewacen Alkitab tur mapitatur sareng Ida Hyang Widhi ngerahina! Yohanes 3:16

